

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), člana 57. stav (1), člana 58. stav (1) tačka d), člana 68. stav (1) i (4) tačka i), člana 69. stav (2) tačka d) i člana 70. stav (4) Zakona o javnim nabavkama („Službeni glasnik BiH“, broj: 39/14) i tačke 3.2. a), 4.1. i 4.2.2. Tenderske dokumentacije za postupak javne nabavke za pružanje usluga dugoročnog kreditnog zaduženja Zeničko-dobojskog kantona u 2021. godini, broj: 07-11-8610-6/21 od 07.07.2021. godine, na prijedlog Ministarstva finansija, Vlada Zeničko-dobojskog kantona, kao ugovorni organ, na 126. sjednici, održanoj dana 21.10.2021. godine, d o n o s i

ODLUKU

o odbacivanju ponuda i poništenju dijela postupka javne nabavke za LOT 7

Član 1.

(Odbacivanje ponuda i poništenje postupka javne nabavke za LOT 7)

(1) Odbacuju se ponude ponuđača UniCredit Bank dd. Mostar, ul. Kardinala Stepinca bb., 88000 Mostar, Intesa Sanpaolo Banka d.d. BiH, ul. Obala Kulina bana 9A, 71000 Sarajevo i Privredna banka Sarajevo d.d. Sarajevo, ul. Obala Kulina bana 18., 71000 Sarajevo, podnesene za LOT 7 otvorenog postupka javne nabavke za pružanje usluga dugoročnog kreditnog zaduženja Zeničko-dobojskog kantona u 2021. godini, koji je objavljen dana 09.07.2021. godine u 11,08 h na Portalu Agencije za javne nabavke, pod brojem: 14143-1-2-3-3-1/21, iz razloga što navedeni ponuđači nisu u ponudi dostavili sve tražene dokumente i dokaze, koji čine obavezan sadržaj ponude u skladu sa uvjetima utvrđenim tačkom 3.2. a) i 4.1. Tenderske dokumentacije i članom člana 57. stav (1) i članom 58. stav (1) tačka d). Zakona o javnim nabavkama.

(2) Poništava se dio otvorenog postupka javne nabavke za pružanje usluga dugoročnog kreditnog zaduženja Zeničko-dobojskog kantona u 2021. godini, koji se odnosi na LOT 7, iz razloga što za navedeni lot ni jedan ponuđač nije dostavio sve tražene dokumente koji čine obavezan sadržaj ponude u skladu sa uvjetima utvrđenim tačkom 3.2. a) i 4.1. Tenderske dokumentacije i članom člana 57. stav (1) i članom 58. stav (1) tačka d). Zakona o javnim nabavkama, čime su ponude navedenih ponuđača, za ovaj lot, postale neprihvatljive i nepotpune.

Član 2.

(Dostava odluke i obavještenja)

(1) Ugovorni organ će putem Ministarstva finansija Zeničko-dobojskog kantona ovu odluku i pismeno obavještenje o rezultatima postupku nabavke dostaviti svim ponuđačima koji su učestvovali u postupku javne nabavke za ovaj lot, najkasnije u roku od sedam dana od dana donošenje ove odluke, u skladu sa članom 70. stav (4) i članom 71. stav (1) i (2) Zakona o javnim nabavkama, zajedno sa Zapisnikom o pregledu i ocjeni ponuda.

(2) Daje se ovlaštenje Ministarstvu finansija Zeničko-dobojskog kantona da u ime ugovornog organa može eventualno podnesene blagovremene, dopuštene i od ovlaštenog lica izjavljene žalbe protiv ove odluke, proslijediti Uredu za žalbe Bosne i Hercegovine na nadležno postupanje u skladu sa članom 100. stav (5) Zakona o javnim nabavkama.

Član 3.

(Stupanje na snagu i objava Odluke)

(1) Odluka stupa na snagu danom donošenja i objavit će se u „Službenim novinama Zeničko-dobojskog kantona“.

(2) Odluka će se putem Stručne službe Vlade objaviti i na internetskoj stranici Vlade Kantona i to istovremeno s upućivanjem odluke ponuđačima koji su učestvovali u postupku javne nabavke za LOT 7.

Pouka o pravnom lijeku:

Protiv ove odluke može se izjaviti žalba Vladi Zeničko-dobojskog kantona u roku od 10 (deset) dana od dana prijema ove odluke.

Broj: 02-11-14141/21

Datum, 21.10.2021. godine

Zenica

**PREMIJER
po ovlaštenju**

Spahija Kozlić

DOSTAVLJENO:

1x Ministarstvo finansija,

1x UniCredit Bank d.d. Mostar, ul. Kardinala Stepinca bb., 88000 Mostar,
putem Ministarstva finansija,

1x Intesa Sanpaolo Banka d.d. BiH, ul. Obala Kulina bana 9A, 71000 Sarajevo,
putem Ministarstva finansija,

1x Privredna banka Sarajevo d.d. Sarajevo, ul. Obala Kulina bana 18., 71000 Sarajevo,
putem Ministarstva finansija,

1x Stručna služba Vlade - web stranica Vlade Zeničko-dobojskog kantona,

1x “Službene novine Zeničko-dobojskog kantona”,

1x a/a.